

БАТЛАВ:

СОНГОЛОН ХАЙРХАН ХХК-НИЙ
ЗАХИРАЛ Р.ГАНТУЛГА
2020 оны 01 сарын 28 өдөр

2020 оны 01 сарын 28-ны өдөр

№001/001

Орхон сум

Нэг талаас Орхон сумын ЗДТГазар /цаашид нутгийн захиргааны байгууллага гэх/, түүнийг төлөөлж Орхон сумын Засаг даргын орлогч Б.Түмэнцогт, нөгөө талаас "СОНГОЛОН ХАЙРХАН" ХХК /цаашид "Компани" гэх/, түүнийг төлөөлж барилгын хэсгийн дарга Г.Эрдэнэчимэг /цаашид хамтад нь "Талууд" гэх/ нар Монгол улсын засаг захиргааны нутаг дэвсгэрийн нэгж, түүний удирдлагын тухай хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн холбогдох заалтыг тус тус үндэслэл болгон дор дурьдсан нөхцөлүүдийг хэлэлцэн тохиролцож энэхүү Нийгмийн хариуцлагын гэрээ /цаашид "Гэрээ" гэх/-г байгуулав.

НЭГ. НИЙТЛЭГ ҮНДЭСЛЭЛ:

1.1. Энэхүү гэрээний зорилго Дархан Уул аймгийн Орхон сумын Их булангийн хөндийд MV-017362 лицензийн дугаартай эзэмшигч компаниас сум орон нутгаас ирүүлсэн саналыг хэрэгжүүлэх, орон нутгийн хөгжилд хувь нэмэр оруулах хүрээнд сайн дурын үндсэн дээр хэрэгжүүлэх нийгмийн хариуцлагыг тодорхойлох, нөгөө талаас нутгийн захиргааны байгууллага нь Компанийн үйл ажиллагааг хэвийн явуулахад нь хууль, тогтоомжийн хүрээнд дэмжлэг үзүүлж, хамтран ажиллахтай холбогдон үүсэх харилцааг зохицуулахад оршино.

1.2. Энэхүү гэрээг хэрэгжүүлэхдээ Талууд хууль дээдлэх, тэгш эрх, шударга ёс, харилцан бие биенээ хүндэтгэх, ил тод байх, сайн дурын үндсэн дээр гэрээний үүргээ зохих ёсоор биелүүлэх зарчмуудыг баримтлан ажиллана.

1.3. Талууд гэрээг 2020 оны 01 дүгээр сарын 28-ны өдрөөс эхлэн төслийг хэрэгжүүлж дуусах хүртэлх хугацаагаар байгуулав.

ХОЁР. НУТГИЙН ЗАХИРГААНЫ БАЙГУУЛЛАГЫН ЭРХ, ҮҮРЭГ:

2.1. Нутгийн захиргааны байгууллага буюу Орхон сумын ЗДТГазар энэхүү гэрээний үйл явцад хяналт тавьж ажиллана.

2.2. Нутгийн захиргааны байгууллага нь Компанийг нийгмийн хариуцлагаа хэрэгжүүлэхэд нь хуулийн хүрээнд дэмжлэг туслалцааг үзүүлж хамтран ажиллана.

2.3. Нутгийн захиргааны байгууллагаас энэхүү гэрээний хэрэгжилтийн явц, үр дүнтэй танилцах, хяналт тавих эрхтэй.

2.4. Нутгийн захиргааны байгууллагаас эрх зөрчигдөж буй эсэхэд Компанийн хэвийн үйл ажиллагааг алдагдуулахгүйгээр хуулийн хүрээнд хяналт тавьж, иргэдээс компанийн ажилчдын амь нас, эрүүл мэндэд гэм хор учруулах, гэмт хэрэг, зөрчлөөс урьдчилан сэргийлэх арга хэмжээг авч ажиллана.

2.5. Нутгийн захиргааны байгууллага нь гэрээний хугацаанд Компанийн нийгмийн хариуцлагын хүрээнд хийгдсэн аливаа үйл ажиллагааг орон нутгийн иргэдэд тухай бүр нь үнэн зөв мэдээлж байна.

2.6. Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 17 дугаар зүйлийн 17.1-д заасан хуулиар хориглосон хүсэлт гаргах, компанийн сайн дурын үндсэн дээр гүйцэтгэх үйл ажиллагааг заавал гүйцэтгүүлэхээр тулган шаардахыг хориглоно.

ГУРАВ. КОМПАНИЙН НИЙГМИЙН ХАРИУЦЛАГА:

3.1. Компани нь үйл ажиллагаагаа явуулах хүрээнд дараах Нийгмийн хариуцлагыг сайн дурын үндсэн дээр хэрэгжүүлнэ.

3.1.1. Байгаль орчинд ээлтэй, хариуцлагатай уул уурхайг хөгжүүлэх чиглэлээр,

3.1.1.1. Байгаль орчныг хамгаалах тухай хууль, Ашигт малтмалын тухай хууль болон байгаль орчны хууль тогтоомжуудыг хэрэгжүүлэн ажиллана.

3.1.1.2. Үйл ажиллагааныхаа бүхий л үе шатанд Байгаль орчинд учирч болох сөрөг нөлөөллөөс урьдчилан сэргийлэх,

3.1.1.3. Байгаль орчинд ээлтэй дэвшилтэт техник, технологийг нэвтрүүлэх,

3.1.1.4. Байгалийн баялагийг зохистой ашиглаж, байгаль орчны нөхөн сэргээлтийг тухайн бүс нутагт нь тохируулан мэргэжлийн түвшинд, технологийн дагуу, стандартын шаардлага хангахуйц хийж гүйцэтгэх замаар хариуцлагатай уул уурхайг хөгжүүлэх.

3.1.1.5. Тухайн жилийн нөхөн сэргээлтийн болон үйл ажиллагааныхаа тайланг сумын БОХ улсын байцаагчид хүргүүлэх,

3.1.1.6. Санхүүгийн тайлан тэнцлээ хуулийн дагуу үнэн зөв гаргаж, татвар хураамжаа хугацаанд төлж байна.

3.1.1.7. Захиргааны статистик мэдээ судалгааг хугацаанд нь хууль тогтоомжид заасны дагуу үнэн зөв гаргаж өгнө.

3.1.1.8. Ажиллах орчин нөхцөлөө сайжруулан тохижуулах,

3.1.1.9. Байгалийн давагдашгүй хүчин зүйл үүссэн нөхцөлд техник, хүн хүчний болон мэргэжил арга зүйн талаар хамтран ажиллана.

3.1.2. Орон нутгийн иргэдийн амьжиргааг дээшлүүлэх, тогтмол орлоготой, тогтвортой, эрүүл, аюулгүй ажлын байраар хангах чиглэлээр,

3.1.2.1. Орон нутагт ажлын байрыг нэмэгдүүлж, нутгийн иргэдийг ажлын байраар хангах,

3.1.2.2. Компани нь уурхайд ажиллагсдын хөдөлмөр хамгаалал, эрүүл ахуйн нөхцөл болон, тухайн орон нутгийн иргэдийн аюулгүй байдлыг эн тэргүүнд тавьж, ажиллагсаддаа ямагт сонор сэрэмжтэй байх дадал зуршлыг хэвшүүлэн, ажлын байран дахь аюул эрсдлийг бууруулах, урьдчилан сэргийлэх чиглэлээр ажиллантай мэдээлэл солилцож, хамтран ажиллах,

3.1.3. Орон нутгийн дэд бүтцийг хөгжүүлэх, орон нутгийн тогтвортой хөгжлийг дэмжих, хүмүүнлэгийн салбарт хамтран ажиллах

3.1.4. Орон нутгийн тохижилт бүтээн байгуулалтанд чиглэгдсэн төсөл, хөтөлбөрийг хэрэгжүүлэхэд хамтран ажиллах

ДӨРӨВ. ГЭРЭЭНИЙ БИЕЛЭЛТЭД ХЯНАЛТ ТАВЬЖ, ДҮГНЭХ ЖУРАМ:

4.1. Талууд энэ гэрээний биелэлтэд тавих хяналтыг хамтран хэрэгжүүлнэ.

4.2. Орон нутгийн ойн арга хэмжээ болон орон нутгийн хөгжилд оруулах хөрөнгө оруулалтын ажлуудыг Талууд харилцан зөвшилцөж, тухай бүрт нь шийдвэрлэн хамтран ажиллана.

4.3. Гэрээний биелэлтийн талаар Талууд гэрээний 1.3-д заасан хугацааны эцэст дүгнэн тайлан гаргана.

4.4. Талууд энэхүү гэрээг хэрэгжүүлэх явцад хууль зөрчсөн аливаа үйлдэл гаргасан тохиолдолд түүний улмаас учирсан хохирлыг буруутай тал нь хариуцаж, Монгол улсад үйлчилж буй хууль тогтоомжийн дагуу харилцан хүлээнэ.

ТАВ. БУСАД:

5.1. Энэхүү гэрээ нь талууд гарын үсэг зурсан өдрөс эхлэн хүчин төгөлдөр болох ба талууд гэрээг биелсэн гэж үзсэнээр гэрээний үйлчлэл дуусгавар болно.


5.2. Гэрээний хугацаа, нөхцөл байдлын талаар өөрчлөлт оруулахаар бол хоёр тал харилцан тохиролцож шийдвэрлэнэ. Гэрээг үйлчлэх явцад гэрээнд оруулсан аливаа

нэмэлт, өөрчлөлт нь зөвхөн бичгээр хийгдэж талуудын гарын үсэг зурснаар хүчин төгөлдөр болно.

5.3. Талууд энэ гэрээг хэдийд ч цуцлах эрхтэй ба ийнхүү цуцлахаар бол гэрээг цуцлахаас 3 хоногийн өмнө нөгөө талдаа бичгээр мэдэгдэх үүрэгтэй.

5.4. Энэхүү гэрээтэй холбогдон гарсан аливаа маргаантай асуудлыг талууд хэлэлцэн тохиролцож шийдвэрлэнэ. Хэрэв талууд тохиролцож эс чадвал маргааныг Монгол улсын хууль тогтоомжийн дагуу шийдвэрлэнэ.

5.5. Гэрээг хоёр хувь үйлдэх бөгөөд хувь тус бүр хууль зүйн хувьд адил хүчинтэй байна.

ОРХОН СУМЫН ЗАСАГ ДАРГЫН
ОРЛОГЧ
ГЭРЭЭГ БАЙГУУЛСАН ТАЛУУД:
Б.ТҮМЭНЦОГ
СОНГОЛОН ХАЙРХАН ХХК-ны БАРИЛГЫН
ХЭСГИЙН ДАРГА  Г.ЭРДЭНЭЧИМЭГ

